

醫學從眾卷六

聞吳航陳念祖修園甫著

次男元犀靈石泰訂

孫男

心典
蘭芝亭

全校字

傷暑

夏曰炎。炎耗傷元氣。故病必體倦脉弱。身熱自汗。煩躁面垢唇青。李東垣以動以得之。爲中熱。靜以得之。爲傷暑。熱陽而暑陰也。其實未確。蓋以暑字從日。暑卽熱也。何必分名。但動靜二字。是陰陽分別。茲仍分動以得之。靜以得之。以爲此症提綱。何謂動以得之。長途赤日。荷重作勞。因而致病。如大熱。傷暑而發
熱頭痛與

傷寒症同但傷寒脉浮而緊傷暑脉洪而虛以此爲辨香薷大渴
是解表却暑之藥夏月之用香薷與冬月之用麻黃同義也
脉虛自汗以白虎人參湯主之更加身體重着是暑而挾濕宜蒼
朮白虎湯主之若有吐瀉腹痛此方不可輕用也若前症發熱身
疼口燥咽乾或吐或瀉宜黃連香薷飲主之又有暑風症因暑氣
鼓激痰火塞碍心竅以致卒倒不省人事宜吐之或以千金消暑
丸灌之

白虎湯

見傷寒

一加人參二錢名白虎人參湯始汗出惡寒身熱大渴等症一
加蒼朮二錢名蒼朮白虎湯治汗出身熱足冷等症

黃連香薷飲

方見時方

去黃連名香薰飲治同

暑風發搐加羌活秦艽各一錢

瀉痢加白朮茯苓各一錢五分

虛汗不止加白朮一錢五分炙甘草三錢

心煩加梔子硃砂各一錢

嘔吐加半夏二錢藿香陳皮各八分羌汁少許

何謂靜以得之。避暑於深堂大厦爲陰寒所遏。暑不得越。手足厥逆者。大順散主之。霍亂吐瀉口渴者。五苓散主之。不渴者。理中湯主之。亦有以二湯送下六一散三錢者。巧法。不可言傳也。

大順散

夏羌一錢
炒

甘草八分
炒

杏仁六分
皮尖炒肉桂六分

共爲末每服五錢水一鍾煎七分服如煩燥并花水調下三四五錢

又有遇夏卽病秋後卽愈是暑傷元氣如草木遇盛日則痿得雨露則挺名曰注夏症宜補中益氣湯照薛氏醫按去升麻柴胡加麥冬一錢五分五味黃柏各五分炮羌三分服三四劑又生脉散清暑益氣湯六一散皆却暑之良方一切暑病不可須臾離之學者當於三方求其奧旨難以縷陳

脉法

傷暑脉洪而虛

大蒜新汲水方

治中暑法

大蒜一把

同新黃土研爛以新汲水和之瀝去渣灌入卽活凡中暑傷暑不可便與冷物俟稍甦方可投冷物則中氣運動無患也

田中乾泥圈臍方

治中暑昏眩煩悶欲絕急救法

取田中乾泥做一圈堆在病人臍上使少壯人撒尿於泥圈臍中臍中片時卽得生甦矣後不可飲冷湯須進溫米湯

絲瓜白梅方

治中暑霍亂

絲瓜葉一片

白霜梅一枚并核中仁

右同研極爛將新汲水調服入口立瘥切不可飲熱湯

陳皮藿香湯

治傷暑急暴霍亂吐瀉方

陳皮錢五

藿香錢五

右用土澄清水二杯煎一杯服之立愈

扁豆飲

治傷暑

取扁豆葉搗汁一碗飲之立愈

鹽羌湯

治傷暑霍亂上不得吐下不得瀉身出冷汗危在頃刻者

食鹽

一兩

生羌

五錢切片

同炒變色以水一大碗煎服吐出自愈不可熱服好後切不可
遽吃飯食俟餓極後方可吃稀粥

取新汲水法

俱見種福堂

治中暑昏眩煩悶欲絕急救挖地深三尺取新汲水傾入坑內

攪蜀飲數甌即愈

腫症

腫者腫於外脹者脹於內二症宜分看然二症相因亦宜合看

腫者皮膚腫大古人有氣水之分其實氣滯則水不行水不行則

氣愈滯二者相因爲病水脹篇以按其腹窅而不起者爲氣腫按其腹隨手而起如囊裹水之狀者爲水腫景岳反其說以水症按之窅而不起此水在肉中如糟如泥之象未必如水囊之比按之隨起惟虛無之氣其速乃然余閱歷之久知二說亦不必拘大抵腫微則按之隨起腫甚則按之不起兩脇及轉動之處按之卽起足面及膝股內側按之不起辨症不必以此爲憑當於小便之利與不利以分陰陽身之多熱與多寒脉之洪大與細微以分寒熱病之起於驟然與成於積漸及年高多病與少壯無病之人分其虛實以先腹而後及四肢或先四肢而後及於腹分其順逆景岳云水氣本爲同類治水者當兼理氣蓋氣化水自化也治氣者亦

當兼行水。以氣行而水亦行也。此症當與癰閉症參看。

初患腫病。氣喘不得卧。以五皮飲爲第一方。蓋此方以皮治皮。不傷中氣。所以爲妙。

若腫而兼脹。小水不利。宜胃苓湯主之。或以四苓散。以半熟蒜搗丸服。極妙。

五皮散

按上身腫宜發汗。加蘇葉荊芥秦艽各一錢五分。

下身腫宜利水。加赤小豆木通各一錢五分。防已一錢。

口渴多熱。小便不利。爲陽水。加滑石木通車前子麥冬各一錢。

五分。木香五分。

不渴小便自利多寒爲陰水加白朮蒼朮各二錢附子乾羌木
香各一錢

脉滑實腹脹脇滿加生赧子一錢五分白芥子八分枳實一錢
半夏二錢

婦人經水不調而腫是血化而爲水名水分加紅花八分桃仁
香附各一錢五分婦人經水適斷卽腫是水化爲血名氣分加
當歸三錢五靈脂醋炒一錢五分香附一錢五分
按服此方愈後必加減腎氣丸及六君子湯之類收功。

胃苓散

俱見
妙用

四苓散加味爲丸

白朮

炒一兩

茯苓

兩

猪苓

兩

澤瀉

兩

研末以半熟蒜爲丸如菉豆大開水送下三五錢

腫症積漸而成及久而不愈氣喘口渴不卧腹脹小便短少大便微澹一切危症不外薛氏加減腎氣丸主之

張景岳曰內經云腎爲胃關關門不利故聚水而從其類也然關門而何以不利也經曰膀胱者州都之官津液藏焉氣化則能出矣夫所謂氣化者卽腎中之氣也卽陰中之火也陰中無陽則氣不能化所以水道不通溢而爲腫故凡治氣者必先治水治水者必先治氣若氣不能化則水必不利惟下焦之真氣得行始能傳化惟下焦之真水得位始能分清求之古法惟薛立齋先生加味

腎氣丸誠對症之方也。余屢用之，無不見效。

薛氏加減腎氣丸

熟地四兩 苓三兩 山茱肉 山藥 丹皮

牛膝 澤瀉 車前 肉桂各一兩 附子五錢

煉蜜丸。如桐子大。每服三錢。開水送下。一日兩服。

如素稟陽盛三焦多火。煩渴面赤。喘嗽脉滑實。此濕熱相因。陰

虛之證。去桂。附加麥冬。主之。醫學心悟云。下焦濕熱。去桂。附加

黃柏。蛤蜊粉最妙。

麻黃附子湯方見金匱

去附子加杏子石膏名杏子湯

又明醫指掌云、腫勢太成、內而膀胱外而陰囊、相連緊急、阻塞道路、雖加利水之劑、苦無一線之通、病何由去、必開大便以逐其水、隨下而隨補、則病已去、而脾無恙、漸爲調理、庶可得生、慎切守利水之舊規也、如腫勢未盛、還以利水爲上策。

按此法惟少年體壯可以偶用、否則不可輕試。

脉色

脉沉遲、大便秘、小便利、口不渴、面青白、爲陰。

脉沉數、大便秘、小便赤、口渴、面赤、爲陽。

大抵脉喜浮、大忌遲細。

仲景云、水腫脉浮者死、謂腫盛皮膚甚厚、脉浮於皮毛之外、輕捫

之如隔一紙是死脉

腫脹危候

大凡水腫先起於腹而後散四肢者可治。先起於四肢而後歸於腹者難治。

掌腫無紋者死。

大便滑泄水腫不消者死。

唇黑唇腫齒焦者死。

臍腫突出者死。

缺盆平者死。

陰囊及莖俱腫者死。

脉絕口張足腫者死

足跗腫膝如斗者死

肚上青筋見瀉後腹腫者死

男從身下腫上女從身上腫下皆難治

燈草蘿蔔湯

種福堂

治腫脹

燈草

一把先將水四碗煎至二大碗

蘿蔔子

一兩微炒

砂仁

二錢微炒

將二味研末傾入燈草湯內畧滾卽盛入壺內慢慢吃下吃盡不見效如前再煎一服俟腹响放屁小便長而腫卽退

脹症 宜參看

脹者心腹脹滿實者脹起於驟然便實脉滑而實宜散之消導之
攻下之虛者脹成於積漸小便利大便滑脉濇小虛微病在中焦
以參朮補之病在下焦以桂附吳萸溫之或兼行滯之品而標本
並治亦有與腫症相兼者當參看腫症

辨症法

脹而屬熱脉實而滑者廓清飲主之。

廓清飲

枳壳錢二 羌朴錢一 大腹皮錢一 白芥子五六分或 陳皮錢一

茯苓皮錢二 萊菔子生搗一錢如中不甚 澤瀉錢一 水煎服

脹而屬寒者胃苓湯主之兼小便利者四苓散以蒜為丸主之

二方見
腫症

脹而屬七情所致者。宜四七湯主之。消遙散亦主之。

四七湯

半夏三錢

茯苓三錢

厚朴二錢

蘇葉一錢

生羌三片

水煎湯

此方妙在紫蘇葉一味辛以散結香以醒脾而膈氣消脹行水乃其餘事

消遙散

方見時方

此症宜加半夏二錢以降逆氣。加生麥芽二錢以達肝氣。蓋麥先春而萌芽得春生之氣最早也。

脹而屬虛者。脉微弱細小。喜摩按。二便利。氣衰言微。宜六君子湯。